



11780

王晉升先生纂  
徐士業先生校

百家姓考略

京都琉璃廠書坊藏板

百家姓考略

欽四徐士業建敷氏校刊



百家姓出兔園集乃宋初錢唐老儒所作時  
錢俶據浙故首趙次錢孫乃俶妃李謂南唐  
主也次則國之大族隨口叶韻挂漏實多識  
者訾之然傳播至今童蒙誦習奉為典冊乃  
就其所載粗為箋註方諸古今姓苑氏族諸  
書其猶射者之嘯矢也夫琅邪王相題

百家姓考略

趙錢孫李周吳鄭王

趙角音天水郡伯益裔孫造父事周穆王  
以功封於趙城子孫因氏焉其後叔帶仕  
晉至趙夙世為晉卿傳趙籍始滅晉為諸  
侯漢有趙廣漢為京兆尹宋太祖之遠祖  
錢徵音彭城郡系出錢氏彭祖姓錢名鏗  
支子去竹而為錢氏孫官音樂安郡系出  
姬姓衛武公子惠孫之孫以祖字為氏世  
為衛卿又楚有孫氏焉姓之後孫叔敖為  
楚相又齊有孫氏陳姓之後陳無字子子  
占有功賜姓孫氏其後有孫武子為吳將  
武子之裔世居高脊漢末有孫權為吳帝

武子之裔也。李徵音隴西郡。系出理氏。阜  
陶之後。代為理官。子孫以官為氏。有理利  
貞。避紂居李樹下。改為李氏。老子之祖也。  
其後李牧。仕趙。李廣。仕漢。唐祖李淵。廣之  
裔也。又晉有里克。衛有禮至。皆理氏之後。  
與李同源。周角音。汝南郡。系出姬姓。周平  
王少子烈之後。以國為氏。周有周任。戰國  
有周靈。吳羽音。延陵部。系出姬姓。武王封  
太伯弟仲雍。曾孫於吳。其後子孫以國為  
氏。戰國有吳起。漢有吳芮。世為長沙王。鄭  
徵音。滎陽郡。系出姬姓。周厲王少子友。封  
於鄭。支子以國為氏。孔子弟子有鄭國。秦  
有鄭安平。漢有鄭子真。裔孫鄭露。避晉亂。  
徙閩。莆。興立學校。化行七閩。宋鄭樵。鄭俠。

百家姓考畧

二

皆其後。王商音。太原郡。系出姬姓。周靈王  
太子晉之後。周有王翹。齊有王蠋。秦將王  
翦。子賁。生離。離子元。居瑯琊郡。元弟威。居  
太原郡。又田齊之後。避難。改為王氏。又魏  
信陵君子孫。改姓王氏。又殷王子比干。後  
亦曰王氏。凡二十一望。惟太原瑯琊二郡  
最著。○饒音尖。鏗音坑。蕙音委。

# 馮 陳 褚 衛 蔣 沈 韓 楊

馮官音。始平郡。系出姬姓。文王子畢公高  
支子。食采於馮。子孫去邑為馮氏。戰國有  
馮亭。漢有馮異。陳徵音。潁川郡。虞舜之後。  
胡公滿。封於陳。子孫以國為氏。孔子弟子

陳亢漢有陳寔為太邱長高孫陳霸先代  
齊有天下國號陳褚羽音河南郡系出于  
姓宋共公子段食采於褚號曰褚師子孫  
因以為氏漢有褚少孫補史記衛羽音河  
東郡系出姬姓文王子康叔封於衛其  
後以國為氏漢有大將軍衛青丞相衛綰  
蔣商音樂安郡系出姬姓周公子伯齡封  
於蔣子孫以國為氏漢有蔣詡吳有蔣子  
文蔣欽沈官音吳興郡系出姬姓文王子  
聘季食采於沈其後以邑為氏楚有沈尹  
戍子沈諸梁為令尹封於葉號葉公韓商  
音南陽郡系出姬姓武王少子封於韓晉  
滅之封桓叔子萬於韓原世為韓氏至韓  
虔分晉國為諸侯漢有韓信楊商音弘農

百家姓考畧

三

郡系出姬姓周宣王子尚父封於楊晉滅  
之晉武公子伯橋食采於羊舌後為羊舌  
氏至叔向更封於楊子孫為楊氏戰國有  
楊朱漢有楊喜封赤泉侯孫楊敞為丞相  
後裔楊寶生震震生秉秉生賜賜生彪四  
世為三公隋文帝楊堅之遠祖也又有揚  
氏從手不從木周有揚矣失國後為揚  
氏漢有揚雄是也○  
郵音馮媯音圭

朱秦允許何呂施張

朱角音沛郡顓頊之後周武王封曹挾於  
邾其後子孫去邑為朱氏戰國有朱亥漢  
有朱買臣朱雲秦微音天水郡系出嬴姓

伯益之後。有嬴。非子仕周。孝王。牧馬於汧渭。有功。封附庸之國於秦。至孫秦仲。始列為諸侯。支子以國為氏。孔子弟子有秦祖秦非。周有醫師秦緩。字越人。尤徵音。吳興郡。系出沈氏。五代王審知稱閩王。國人姓沈者。避審音。去水為尤。宋有尚書尤袤。許羽音。高陽郡。系出姜姓。神農之裔。周武王封文叔於許。以主太岳之祀。其後以國為氏。何角音。廬江郡。系出韓姓。韓王安為秦所滅。其子孫避難。轉音為何氏。漢有何休。何進。呂羽音。河東郡。系出姜姓。神農後伯夷。仕堯。掌禮。佐禹治水。封於呂。世主太岳祀。周有呂尚。封齊。秦有呂不韋。其妾有姬獻。莊襄王。而生始皇帝。施徵音。吳興郡。系仲漢有張良。

百家姓考畧

四

孔曹嚴華金魏陶姜

出姬姓。魯惠公子施父之後。五代孫施伯以高祖字為氏。孔子弟子施之黨。張商音。清河郡。黃帝第五子青賜。生揮。觀弧。星始制弓矢。為弓正。主祀弧。遂為張氏。周有張仲。漢有張良。

孔角音。魯郡。系出子姓。武王封商微子於宋。至閔公。授生弗父何。何佐孫嘉。字孔父。孔父孫畢夷父。以祖字為孔氏。夷父子防叔。仕於魯國。防叔孫叔梁紇。紇生孔子。又衛有大夫孔文子圉。曹角音。謙郡。顓頊五世孫陸終第五子安。大禹賜為曹姓。邾國黎

卿皆其後也。又姬姓。文王子曹叔振鐸封國於曹。其後以國為氏。魯有曹劌。邾國之曹。世居譙郡。漢有曹參。後裔曹騰為中常侍。養甥夏侯氏之子嵩為子。生操。為漢相。子不代。漢為魏文帝。嚴宮音。天水郡楚莊王庶孫。以王父謚為氏。後避漢明帝諱。改莊為嚴。凡漢書嚴青翟。嚴助嚴遵。嚴光。皆生時姓莊。死後史官改其姓為嚴也。華角首。武陵郡。系出于姓。宋戴公孫督。食采於華。以邑為氏。世為宋卿。齊有華周。漢有華佗。華歆。金角音。彭城郡。少昊金天氏之後。又漢滅休屠國。以王子日磾。入侍大庭。後以功封侯。賜姓金氏。魏宮音。鉅鹿郡。系出畢公高裔孫畢萬。仕晉為大夫。食采於魏。

戚謝鄒喻栢水竇章

世為晉卿。至魏斯分晉為諸侯。以國為氏。秦有魏冉。漢有魏無知。魏栢。陶徵音。濟陽郡。系出陶唐氏。唐堯始封於陶。支子因氏。周有陶荅子。漢有陶青。姜商音。天水郡。系出神農氏。神農生於姜水。因姓姜氏。黃帝時。神農氏子孫。世主太岳之祀。周武王封呂望於齊。以主太岳復賜姓姜氏。漢有姜詩。姜維。○畢音亦圍音。語顛音專。頊音旭。嶽音貴。休屠音朽。除日磾音密。低。

〔戚〕商音。東海郡。衛大夫孫林父。食采於戚。支子以邑為氏。漢有戚鯁。高祖戚夫人父。

封臨轅侯謝商音陳留郡周宣王封舅申伯於謝支子以地爲氏晉有謝安鄒商音  
范陽郡周曹挾封於邾戰國時改國號鄒支子以國爲氏周有鄒衍齊有鄒忌漢有  
鄒陽喻羽音江夏郡鄭之公族漢蒼梧守論猛改姓喻氏栢商音魏郡系出柏皇氏  
上古有柏招爲炎帝師柏同爲帝嚳師封國於栢漢有大鴻臚栢英水官音吳興郡  
系出妣姓明鄆縣有木甦民其先世以禹王庶孫留居會稽以水爲氏科第甚蕃又  
有水邱氏覆姓竇徵音扶風郡系出妣姓夏帝相后有仍氏遭寒浞之難逃出自竇  
而生少康少康次子龍留居有仍以竇爲氏晉有竇鳴犢漢有竇嬰章商音河間郡

百家姓考畧

六

系出姜姓齊太公支子封於鄆子孫去邑爲章氏齊有章子秦有章邯

雲蘇潘葛奚范彭郎

雲徵音瑯琊郡系出雲陽氏隋有雲定興蘇羽音武功郡顯頊裔孫陸終子樊封於昆吾世爲夏伯支子封於蘇蘇公忿生爲周司寇戰國有蘇秦漢有朱武潘羽音滎陽郡周畢公高支子食采於潘以邑爲氏楚有潘崇吳有潘瓊葛商音頓邱郡系出嬴姓顯頊之後封於葛其後以國爲氏秦有葛嬰晉有葛洪仙翁奚商音北海郡黃帝子禺陽封於任裔孫仲爲夏車正奚冲之



奚。故曰奚仲。支子以邑為氏。孔子弟子奚容箴。漢功臣奚涓。范宮音。高平郡。堯後劉系裔。孫杜隰仕晉為士師。子藹以官姓。士氏。後食采於范。世為晉卿。以邑為氏。秦有范雎。楚有范增。彭宮音。隴西郡。系出錢氏。顓頊裔。孫陸終氏第三子錢鏗。封於彭。是為彭祖。歷唐虞夏商。壽八百歲。子孫世為諸侯。即大彭氏與丕韋氏。作商二伯。其後孟子弟子彭更。漢有彭越。封梁王。郎商音。中山郡。魯懿公孫費伯。城郎邑以居。子孫因氏焉。漢有郎顓。唐有郎士元。○箴音點。

魯。魯。韋。昌。馬。苗。鳳。花。方。

百家姓考畧

七

魯。羽音。扶風郡。系出姬姓。周公元子魯公伯禽。封於魯。支子以國為氏。戰國有魯仲連。漢有魯恭。韋羽音。京兆郡。系出不韋氏。世為夏商侯伯。子孫以國為氏。漢有韋賢。韋元成。父子皆為丞相。昌商音。汝南郡。系出有熊氏。黃帝子昌意。昌意子帝顓頊。高陽氏。高陽支子。以王父字為氏。漢有昌豨。馬羽音。扶風郡。系出趙姓。趙王子趙奢。封馬服君。子孫以為氏。漢有馬援。苗羽音。東陽郡。楚令尹鬬椒之子賁皇。仕晉。食采於苗。因氏焉。漢有苗訢。唐有苗晉卿。相肅宗。鳳宮音。郟陽郡。系出蒙氏。南詔主。閣羅鳳之裔。唐南詔國君。姓蒙氏。尋羅閣生閣羅鳳。閣羅鳳生鳳迦異。鳳迦異生異牟尋。其

長子名重父下一字其支子即以父名下  
一字為姓。故閻羅鳳戩子即姓鳳氏。滇黔  
之人多有此姓。花宮音。東平郡。系出華氏。  
古無花字。通作華。後專用花為花草之花。  
故華姓亦有改為花者。唐有花敬。定蜀太  
將。明有花雲。方商音。河南郡。系出方雷氏。  
周有方叔。為宣王卿士。

# 俞任袁柳艷鮑史唐

俞角音。河間郡。黃帝臣俞伯名跗。注素問。  
周有俞伯牙。任宮音。東安郡。系出有熊氏。  
黃帝子禹陽封於有任。以國為氏。文王妃  
太任。任國之女。魏有任座。秦有任囂。袁羽

## 百家姓考畧

八

音。汝南郡。系出媯姓。陳大夫莊伯轅孫濤  
塗以祖字為氏。後世去車為袁。或作爰。實  
同出一源也。漢有袁盎。柳商音。河東郡。系  
出展氏。魯公子夷伯孫無駭子展獲。字禽  
食邑柳下。後世以為氏。戰國有柳莖。漢有  
柳隗。為齊王相。艷宮音。京兆郡。系出姬姓。  
文王少子封於艷。其後有艷舒。相潞國。鮑  
宮音。上黨郡。系出妘姓。禹王之。後有敬叔  
仕齊。食邑於鮑。後有鮑叔牙。史徵音。京兆  
郡。系出史皇氏。倉頡之後。史佚。為周太史。  
漢有史高。唐徵音。晉昌郡。系出陶唐氏。舜  
封堯子丹朱於唐。其後子孫以國為氏。漢  
有東園公唐  
睢。四皓之一。

# 費廉岑薛雷賀倪湯

賈羽音。江夏郡。系出嬴姓。伯益治水封於大費。裔孫昌仕商。以國為氏。紂臣有費仲。魯有費伯。庶角音。河東郡。顓頊曾孫大庶之後。以祖字為氏。趙有庶頰。岑宮音。南陽郡。系出姬姓。周武王封叔耀子渠於岑。子孫以國為氏。後漢有岑彭。封武陽侯。薛徵音。河東郡。系出任姓。黃帝裔孫奚仲封於薛。歷夏商周。世為諸侯。後世子孫以國為氏。宋有薛居州。趙有薛公。雷商音。馮翊郡。系出黃帝子雷公之後。漢有雷義。晉有雷煥。賀商音。廣平郡。系出慶氏。齊公子慶父

## 百家姓考畧

九

# 滕殷羅畢郝鄔安常

之後。漢侍中慶純。避安帝父清河王諱。改賀氏。晉有賀循。唐有賀知章。倪宮音。千乘郡。周有黎鄆。附庸小國。後號小邾。子孫去邑為兒氏。漢有兒寬。後加人為飽。湯商音。中山郡。系出子姓。宋公子蕩意諸後。去草為湯氏。晉有湯休。○費音秘。

滕宮音。南陽郡。系出姬姓。武王封弟叔繡於滕。其後以國為氏。戰國有滕更。漢有滕嬰。殷宮音。汝南郡。系出子姓。商自盤庚遷國。改號曰殷。其後以國為氏。晉有殷浩。唐有殷開山。羅徵音。豫章郡。系出祝融氏。春

秋有羅國。子孫以國爲氏。晉有羅結。唐有羅藝。畢徵音河南郡。系出姬姓。周文王子畢公高之後。以國爲氏。晉國有畢萬。晉朝有畢卓。郝徵音太原郡。系出太昊氏。太昊弟郝省封於郝。漢有郝賢。晉有郝隆。鄆商音太原郡。晉大夫鄆藏之後。孔子弟子有鄆單。安商音武陵郡。系出有熊氏。昌意子安。居於西戎。是爲安息國。後魏時世子入侍。賜姓名安同。唐有安金藏。商音平原郡。黃帝相常先之後。漢有常惠。晉有常璩。明有開平忠武王常遇春。

# 樂于時傅皮卞齊康

百家姓考卷

十

樂角音南陽郡。系出子姓。宋戴公子衍字樂父。其後以王父字爲氏。燕有樂毅。又有樂正。樂羊皆覆姓。又樂姓出河內郡。漢有藥崧。于羽音河內郡。系出姬姓。武王子封於邢。後世去邑爲于氏。漢有于定國。相宣帝。時徵音隴西郡。宋大夫公子來。食采於時。齊有時子。漢有時苗。傅商音清河郡。商有傅說。爲武丁相。漢有傅介子。皮羽音天水郡。周卿士樊仲皮之後。以字爲氏。北齊有皮景和。唐有皮日休。卞羽音濟陽郡。曹叔振鐸之後。任魯爲卞邑大夫。有卞莊子。楚有卞和。東晉有卞壺。齊徵音汝南郡。系出姜姓。太公封齊。其後以國爲氏。唐有齊映。齊抗。族兄弟同時爲相。康商音京兆郡。

衛康叔之後。以謚為氏。漢有康衡。康穆。

伍余元卜顧孟平黃

〔伍〕羽音。安定郡。系出芊姓。楚公族有伍氏。伍舉。伍奢。世為楚卿。伍員之祖與父也。余。商音。下邳郡。秦穆公伐西戎。獲其臣由余。以為上卿。其後以王父字為氏。宋有余靖。余玠。〔元〕商音。河南郡。衛大夫元咺之後。又出北魏拓拔氏。孝文帝改姓元氏。唐有元稹。〔卜〕羽音。西河郡。周有太卜之官。其後以官為氏。晉有卜偃。孔子弟子卜商。漢有卜式。〔顧〕羽音。武陵郡。夏有顧國。後以為氏。吳

百家姓考略

有顧雍。晉有顧愷之。〔孟〕羽音。平陸郡。系出姬姓。魯桓公子慶父。世為卿號孟孫氏。孟子其裔也。漢有孟敏。孟嘗。〔平〕商音。河內郡。韓哀侯少子媯。食采於平。後以邑為氏。漢有丞相平當。黃。商音。江夏郡。顯帝曾孫陸終之後。封於黃。子孫以國為氏。楚有春申君黃歇。漢有丞相黃霸。孝子黃香。〔〕咍。誼上聲。媯音綽。

和穆蕭尹姚邵湛汪

〔和〕商音。汝南郡。堯臣和仲後。以官為氏。北齊有和士開。五代有和凝。穆。羽音。河南郡。系出子姓。宋穆公支孫。以謚為氏。漢有穆

生蕭角音。蘭陵郡。系出子姓。微子。宋孫封於蕭。為宋附庸。子孫以國為氏。漢有丞相蕭何。裔孫道成。為南齊高帝。傳七世。道成族孫衍。受齊禪。為梁武帝。傳四世。尹。徵音。天水郡。系出少昊裔孫尹壽。為帝堯師。周有尹吉甫。老子弟子尹喜。漢有尹賞。姚。商音。吳興郡。系出有虞氏。瞽瞍生舜於姚墟。故姓姚氏。帝堯降二女於舜。賜姓媯氏。禹封商。均於虞城。武王封虞舜之後。胡公滿為陳國。皆以國為氏。又胡公支子姓胡氏。陳敬仲奔齊。子孫姓田氏。田齊失國。居元城。又姓王氏。凡七姓。皆舜之後。鄒。商音。博陸郡。系出姬姓。名康。公封於燕。其次子世為畿內諸侯。作王卿士。號曰召公。因為召氏。後世子孫增邑為邵氏。秦有邵平。漢有召信臣。同出一祖。湛。商音。豫章郡。系出妣姓。夏同姓。諸侯斟灌氏。其後子孫去斗去。灌。合二字為湛氏。漢有湛重。明有湛若水。汪。商音。平陽郡。汪。范氏之後。又魯桓公庶子滿。食采於汪。因邑為氏。魯有汪錡。唐有汪華。封越公。世居於歙。○媯音規。

祁毛禹狄米貝明臧

祁。徵音。太原郡。帝堯伊祁之後。晉有祁彌明。祁奚。毛。羽音。西河郡。系出姬姓。文王子毛伯之後。世為周卿士。因國為氏。捕有毛公。漢有毛萇。禹。羽音。隴西郡。系出妣姓。雲

夢之間有郟國為楚附庸後去邑為氏  
徵音天水郡系出姬姓周康王封弟孝伯  
於狄城其後以地為氏唐有狄仁傑宋有  
狄青米徵音京北郡系出西域米國漢有  
米楷宋有米芾貝宮音清河郡系出姬氏  
召康公支子食采於鉅野之泃水後為郟  
國子孫去邑為貝氏漢有貝璆明宮音吳  
興郡系出譙明氏其後明由為燧人相南  
齊有明僧紹唐有明崇儼元有明王珍臧  
商音東海郡系出姬姓魯孝公子彊食采  
於臧其後僖伯哀伯文仲武仲世為魯卿  
彊音臧宮臧洪口松音云郟音禹芾音費

百家姓考畧

三

# 計伏成戴談宋茅龐

計商音京兆郡系出姒姓越大夫計倪計  
然越之公族也伏商音太原郡系出風姓  
伏羲子孫因號為氏漢有伏勝伏湛成商  
音上谷郡系出姬姓文王子邠叔武之後  
去邑為成氏齊有成鬲戴徵音譙郡系出  
子姓宋戴公支孫以謚為氏宋有戴盈之  
戴不勝漢有戴德戴聖談徵音廣平郡系  
出籍氏周大夫籍談之後避項籍諱為談  
氏宋宮音京兆郡系出子姓周武王封紂  
庶兄微子啟於宋後出子孫以國為氏楚  
有宋玉宋義漢有宋昌茅商音東海郡系

出姬姓。周公支子封於茅。其後以國為氏。秦有茅焦。龐官音。始平郡。系出高陽氏。高陽才子。龐降之後。魏有龐涓。漢有龐德公。○柳音成。

熊紀舒屈項祝董梁

熊官音。江陵郡。系出高陽氏。顓頊孫陸終第六子季連為芊姓。子附敘封於熊。後有鬻熊。為文王師。武王封其曾孫熊繹於楚。至熊渠僭稱王。更姓芊氏。漢有熊喬。熊尚。紀徵音。平陽郡。姜姓。四岳之後。封國於紀。後以國為氏。楚有紀昌。漢有紀信。舒徵音。京兆郡。顓頊之後。封於舒。後以國為氏。唐

百家姓考畧

十品

有舒元。靈屈官音。臨淮郡。系出芊姓。楚武王子瑕封於屈。後以為氏。楚有屈原。又有屈完。覆姓也。項商音。遠西郡。系出芊姓。楚公子燕封項城。姓項氏。又姬姓。齊桓公滅項。子孫以國為氏。楚有項羽。祝商音。太原郡。系出有熊氏。周武王封黃帝之後於祝。後以國為氏。衛有祝鮀。鄭有祝聃。董角音。隴西郡。系出有熊氏。黃帝孫颺叔安子董父之後。晉有董狐。漢有董仲舒。梁商音。安定郡。顓頊之後。封於梁。後以國為氏。漢有梁松。又梁丘。覆姓也。○聊音耽。颺音福。

杜阮藍閔席季麻强



〔杜〕商音。京兆郡。帝堯之後。封於唐。周滅之。處其族於唐杜之間。居杜者。姓杜氏。周有杜伯。晉有杜原款。漢有杜延年。阮角音。陳留郡。商有阮國。後以國為氏。魏有阮籍。藍微音。汝南郡。系出芊姓。楚公子。壘封於藍。謂之藍尹。後以邑為氏。閔宮音。龐西郡。系出姬姓。魯公族。閔馬父封於閔鄉。因以為氏。後有閔子騫。席商音。安定郡。系出籍氏。周大夫籍談。後世避項籍名。改姓席氏。談氏。季微音。渤海郡。系出姬姓。魯桓公子季友之後。又隨國大夫季梁。漢有季布。麻商音。上谷郡。系出熊姓。楚公族。熊嬰奔齊。更姓麻氏。隋有麻叔謀。強商音。天水郡。系出姜姓。齊大夫公孫疆之後。疆與強相近。後以為氏。鄭有大夫強。鉏。○壘音尾。鉏音徂。

百家姓考畧

十五

賈路婁危江童顏郭

〔賈〕商音。武成郡。系出姬姓。唐叔虞少子。封於賈。後以為氏。晉有賈華。漢有賈誼。賈復。路商音。內黃郡。系出高辛氏。封於路。其後以國為氏。漢有路博德。婁商音。譙郡。系出妣姓。杞東樓公後。去木為婁。漢有婁敬。唐有婁師德。危官音。汝南郡。系出三危氏。唐有危仔昌。後賜姓元氏。江商音。濟陽郡。系出嬴姓。國於江。漢之間。支子以國為氏。漢有江革。童官音。雁門郡。出晉氏。晉大夫

晉童。後以王父字爲氏。漢有童恢。顏商音。魯郡。系出姬姓。魯公伯禽少子于頔之後。以字爲氏。有顏路。顏淵。郭商音。太原郡。系出姬姓。武王封王季次子虢仲於東虢。虢叔爲西虢。虢曰二虢。後虢叔之國改號郭。支子以國爲氏。漢有郭解。郭泰。唐有郭子儀。五代有郭威。爲周太祖。

# 梅盛林刁鍾徐邱駱

梅羽音。汝南郡。系出子姓。殷王太丁封弟於梅。是爲梅伯。後以國爲氏。漢有梅銷。梅福。盛羽音。汝南郡。系出姬姓。召公奭支孫封於盛。爲燕附庸。姓真氏。後避漢元帝諱。

## 百家姓考畧

更以國爲盛氏。林官音。西河郡。系出子姓。王子比子子堅。避亂居長林山。因姓林氏。魯有林放。孔子弟子。刁微音。弘農郡。系出姬姓。文王同姓。有離國。後更爲刁氏。齊有豎刁。晉有刁協。鍾角音。潁川郡。系出莘氏。楚公族鍾建。封於鍾吾。其後爲鍾吾氏。或爲鍾氏。楚有鍾儀。鍾期。魏有鍾繇。徐商音。東海郡。系出嬴姓。伯益子若木。生調。封於徐。歷夏商周爲諸侯。後以國爲氏。漢有徐桴。吳有徐盛。邱官音。河南郡。系出姜姓。太公封於營邱。支子以地爲邱氏。又有閔邱。梁邱。俱覆姓也。駱商音。內黃郡。系出嬴姓。非子父大駱。大駱長子成。世居大邱。國號大駱。厲王時滅於西戎。餘子以國爲氏。唐

有駱賓王。按原本邱字不從邑近以孔子聖諱增之

# 高夏蔡田樊胡凌霍

高角音。渤海郡。系出姜姓。齊文公。子子高。後以字為氏。高溪世為齊卿。孔子弟子高柴。漢有高鳳。夏羽音。會稽郡。系出妙姓。夏后氏。子孫以國為氏。又陳公子夏徵舒。秦有夏無且。蔡徵音。濟陽郡。系出姬姓。文王子叔度。封蔡。後以國為氏。晉有蔡墨。秦有蔡澤。漢有丞相蔡義。田徵音。鴈門郡。系出陳氏。陳桓公子完。任齊為卿。姓陳氏。至陳恒。更姓田氏。孫田和。代有齊國。漢有田延

## 百家姓考畧

七

年。樊商音。上黨郡。系出仲氏。仲山甫。封樊侯。以國為氏。孔子弟子樊遲。漢有樊噲。胡羽音。安定郡。系出媯姓。陳胡公滿支子。以謚為氏。齊有胡嚳。漢有胡廣。凌徵音。河間郡。系出姬姓。衛公子仕于周。為凌人。以官為氏。吳有凌統。霍羽音。太原郡。系出姬姓。文王子霍叔之後。以國為氏。漢有霍光。

# 虞萬支柯咎管盧莫

虞商音。陳留郡。系出媯姓。舜後。封虞。以國為氏。又姬姓。太伯弟虞仲。雍之後。魏有虞邱子。漢有虞詡。萬商音。扶風郡。畢萬之後。

孟子弟子萬章。支微音。郟陽郡。漢宣帝時。郟支單于世子。入侍。其裔留於京師。遂姓支氏。漢有支雄。晉有支遁。柯商音。齊陽郡。系出姬姓。吳王柯廬之後。咎微音。太原郡。系出咎氏。商相咎單之後。咎古音高。又音坎咎之咎。故增一畫為咎。管微音。晉昌郡。系出姬姓。文王第三子管叔。解後。齊有管仲。漢有管寧。廬商音。范陽郡。系出姜姓。齊文公。子高之孫。食采於廬。因氏焉。漢有廬縮。莫商音。鉅鹿郡。系出高陽氏。封於鄭。子孫去邑為氏。漢有莫藏用。鄭音莫。

# 經房表繆子千解應宗

百家姓考略

六

經微音。滎陽郡。系出京氏。鄭公子京叔段之後。有京氏。漢京房子孫。避仇改經氏。房商音。清河郡。系出陶唐氏。舜封丹朱於房。陵。國號唐。又封支子於房竹。其後以國為氏。漢有房植。唐有房元齡。裘角音。渤海郡。衛大夫食采於裘。後以邑為氏。漢有裘仲友。繆羽音。蘭陵郡。系出嬴氏。秦繆公之後。以謚為氏。漢有繆彤。千微音。潁川郡。系出子姓。宋大夫千鑿之後。晉有千寶。又與千氏。支子亦為千氏。解商音。平陽郡。唐叔虞子良。食采於解。因氏焉。後有解揚。應官音。汝南郡。系出姬姓。武王第四子封於應。其後以國為氏。漢有應劭。宗官音。京兆郡。周大夫宗伯之後。以官為氏。漢有宗資。千雙

音抽  
平聲

# 丁宣賁鄧郁單杭洪

**丁**徵音。濟陽郡。系出姜姓。齊太公子丁公之後。以謚為氏。漢有丁公。丁固。宣徵音。始

平郡。系出姬姓。魯大夫宣伯之後。以謚為氏。漢有宣秉。賈徵音。宣城郡。系出苗氏。晉

大夫苗賁皇之後。以祖字為氏。鄧徵音。南陽郡。商武丁封叔曼季於鄧。後以國為氏。

漢有鄧彭祖。鄧禹。郁宮音。黎陽郡。魯相郁黃之後。單徵音。南安郡。系出姬姓。周成王

封少子臻於單。為畿內諸侯。世相王室。號

## 百家姓考畧

五

單伯。杭商音。餘杭郡。系出妣姓。禹主治水。所餘舟航。以支子統之。因封國為餘航。其

後去舟加木為杭氏。洪角音。豫章郡。舊傳共工之後。避仇改為洪。又云衛大夫弘演

之後。至唐始避高宗子弘之諱。為洪氏。三國有洪矩。宋有洪誥。

# 包諸左石崔吉鈕龍英

**包**羽音。上黨郡。楚大夫申包胥。後以祖字為氏。漢有包咸。諸徵音。瑯琊郡。系出妣姓。

越國之裔。閩粵王無諸之後。因祖字為氏。左商音。濟陽郡。系出熊氏。鬻熊之後。倚相

為楚威王左史。後為左氏。魯有左邱明。漢

有左雒。晉有左思。石徵音。武威郡。系出姬姓。衛公族大夫石碯之後。漢有石建。霍角音。博陵郡。系出姜姓。齊丁公子居崔。因氏焉。後有崔杼。漢有崔寔。魏有崔浩。吉徵音。馮翊郡。周尹吉甫之後。以王父字為氏。漢有吉平。鈕宮音。吳興郡。世系未詳。晉有鈕泓。翼羽音。武陵郡。系出共工氏。黃帝臣共工。司水土。子句龍繼其職。其後為龔氏。漢有龔遂。  
碯音鵠

# 程嵇邢滑裴陸榮翁

程商音。安定郡。系出高陽氏。顓頊孫重黎。  
二

百家姓考畧

二

為堯南正司火之官。世封程伯。周有程伯休父。晉有程嬰。嵇商音。譙郡。夏少康封子於會稽。遂為稽氏。漢初徙譙。改為嵇氏。晉有嵇康。邢商音。河間郡。系出姬姓。周公第四子封於邢。以國為氏。齊有邢子才。滑商音。下邳郡。系出姬姓。滑國之後。漢有滑興。裴商音。河東郡。系出嬴姓。伯益之裔。蜚廉之後。封於菑邑。後嗣裴陵。去邑。以衣為裴氏。漢有裴潛。宋有裴松之。陸角音。河南郡。齊宣王封少子季達於平陸。即古陸終氏之墟。其後以陸為氏。漢有陸賈。晉有陸機。陸雲。榮商音。上谷郡。周文王臣榮公之後。孔子翁子有榮旂。魯有榮啟期。翁商音。錢塘郡。周昭王庶子食翁山。因氏焉。漢有翁

君翁伯。  
邕音裴。

# 荀羊於惠甄麴家封

荀徵音河內郡。系出姬姓。文王子邕伯之後。去邑加草為荀氏。晉荀寅世為卿。周有荀卿。漢有荀淑羊商音。京兆郡。系出祁氏。晉大夫祁盈之後。封於羊舌。其嗣去舌為羊氏。漢有羊仲。晉有羊祜於羽音。京兆郡。系出有熊氏。黃帝孫封於商。其後為於氏惠商音。扶風郡。系出姬姓。周惠王之後。有周大夫惠施甄徵音。中山郡。系出庭堅氏。卓陶少子仲甄。仕夏。封於郵。後以王父

## 百家姓考畧

三

# 芮羿儲靳汲邴糜松

字為氏。漢有甄邯麴宮音。汝南郡。系出周官麴氏。以官為氏。漢有麴熾。家角音。京兆郡。系出姬姓。周孝王子家父之後。世為周卿。姓家氏。宋有家鉉翁封宮音。渤海郡。系出姜姓。炎帝裔孫封鉅。為黃帝師。後為封氏。漢有封茂。唐有封倫。邴音荀。郵音堅。

芮徵音平原郡。周司徒芮伯之後。有芮良夫羿羽音。齊郡。系出有窮。后羿之裔。儲羽音。河東郡。齊儲子之後。靳徵音。西河郡。系出芊姓。楚公族大夫靳尚之後。漢有靳歙汲羽音。清河郡。系出姬姓。衛宣公太子汲

之後。姓汲氏。漢有汲黯。郡商音。平陽郡。晉大夫食采於邠。因氏焉。漢有邠原。糜宮音。汝南郡。夏同姓。諸侯有糜氏之後。漢有糜竺。松宮音。東莞郡。世系未詳。隋有松濟。

# 井段富巫烏焦巴弓

井开徵音。扶風郡。虞大夫井伯之後。以字為氏。晉滅虞。以井突入秦。秦穆公以為大夫。封邑於百里。號百里奚。支子為井氏。段徵音。京兆郡。系出李氏。老子孫李宗仕晉。食邑於段干。世為段干氏。魏有段干木。子孫為段氏。又為干氏。晉有段匹禪。唐有段文昌。富羽音。齊郡。系出姬姓。周同姓。大夫富

## 百家姓考畧

三

父。後有富辰。世為平宋有富弼。巫宮音。平陽郡。系出高辛氏。高辛子巫人封於巫。姓巫氏。商巫咸。巫賢。又子為相。烏商音。潁川郡。系出金天氏。少昊以烏名官。有烏鳥氏。生山陵。其後為烏氏。周有烏獲。唐有烏承瑞。焦角音。中山郡。系出神農氏。周武王封神農之後。於焦。後以國為氏。漢有焦先。巴徵音。高平郡。系出姬姓。楚附庸國。後為巴氏。弓羽音。太原郡。魯大夫叔弓之後。以王父字為氏。漢有光祿勳弓阻。

# 牧隗山谷車侯宓蓬

牧商音。弘農郡。黃帝相力牧之後。以字為



氏。周有牧仲。牧皮。隗官音餘杭郡。系出夏后氏。商封桀后於隗國。其后白翟。赤狄。皆隗姓也。漢有隗囂。山商音。河南郡。系出列山氏。周山師掌山林之官。以官為氏。晉有山濤。谷羽音。上谷郡。系出夾谷氏。齊公子子尾孫。封於夾谷。後姓谷氏。漢有谷永。又有谷那。覆姓也。車角音。京兆郡。系出于車氏。秦公族。子車仲行之後。為車氏。又漢丞相田千秋。乘車入朝。人號車丞相。因氏焉。侯名岡。字頡。後為侯氏。魏有侯羸。漢有侯霸。交角音。平昌郡。系出太昊氏。伏羲字古作宓犧。宓與伏。古同音。孔子弟子宓子賤。蓬宮音。長樂郡。周封支子於蓬州。因以為氏。漢有蓬球。

百家姓考畧

三

# 全 郗 班 仰 秋 仲 伊 宮

全商音。京兆郡。系出泉氏。周官泉府掌錢。後改全氏。吳有全琮。郗角音。山陽郡。系出已姓。少昊之後。封於郗。晉有郗詵。郗鑒。班商音。扶風郡。系出鬪氏。楚公族鬪穀於菟之後。令尹子文。少棄於野。有虎乳之。楚人謂虎為於菟。謂乳為穀。故名穀於菟。字子文。文者虎之斑。後姓班。又姓班氏。漢有班彪。長子固。次超。仰官音。汝南郡。系出嬴姓。秦惠文王子公子仰之後。仰古仰字。子孫

以祖字。增人爲仰氏。唐有仰仁諡。秋商音。天水郡。系出姬姓。魯大夫仲孫濊之孫。有名胡者。仕於陳。以祖字。去水爲秋氏。仰宮音。中山郡。系出任氏。湯左相仲虺之後。周有樊侯仲山甫。曾仲孫支子。亦姓仲氏。孔子弟子仲由。伊宮音。陳留郡。系出陶唐氏。堯生於伊水。故姓伊祁氏。其後支子爲伊氏。商有伊尹。伊摯。漢有伊籍。宮音。太原郡。系出姬氏。曾孟博子之子韜。食邑南宮。即孔子弟子南宮适。其後支子爲宮氏。又虞仲支子封於上宮。其後有宮之奇。

# 甯 仇 藥 暴 甘 斜 厲 戎

百家姓考畧

二五

甯。微音。齊郡。系出姬姓。衛武公子季豐。食采於甯。世爲衛御。後有甯俞。仇宮音。平陽郡。系出仇吾氏。夏諸侯在商爲九國。紂殺九侯。其後爲仇氏。宋有仇牧。漢有仇香。藥。微音。西河郡。系出姬姓。晉靖侯孫賓封於藥。世爲晉卿。漢有藥布。藥巴。暴商音。魏郡。系出姬姓。周公族有暴公。世爲王卿。其後姓暴氏。漢有暴勝。甘宮音。渤海郡。夏有甘國。其後甘盤爲武丁師。又周惠王弟叔帶封於甘。後以爲氏。秦有甘羅。漢有甘延壽。斜宮音。遼西郡。系出姜姓。田和篡齊。遷康公於海上。穴居野食。以斜爲金。支子別姓斜氏。斜音偷上聲。厲角音。南陽郡。系出姜姓。齊厲公之後。戎羽音。江陵郡。周有戎國。

姜姓。又山戎允姓。其後俱為戎氏。唐有戎昆。

# 祖武符劉景詹東龍

祖羽音。范陽郡。系出任姓。燕仲之後。別姓祖氏。祖已。祖伊。昔商相。晉有祖述。武羽音。太原郡。系出姬姓。周平王少子。有文在手。曰武。遂賜武氏。世為周卿。秦有武泚。唐有武士護。武后之父也。符羽音。瑯琊郡。系出姬姓。魯頓公孫。掌秦符璽。以官為氏。漢有符融。又氏王蒲洪。改孫堅姓為符氏。从草。不从竹。號後秦。別一族也。劉官音。彭城郡。系出陶唐氏。堯後有劉累。至周為唐杜氏。

## 百家姓考畧

重

杜隰仕。晉為士師。又為士氏。士氏之後。復姓劉氏。又周定王母弟劉康公之後。亦為劉氏。漢高祖乃士會之後也。景角音。晉陽郡。系出羊姓。楚公族。鬪為昭。屈莊。景皆羊姓之後。有景差。景丑。詹羽音。河間郡。系出姬氏。周宣王支子。封於詹。世為周大夫。楚有詹尹。羽音。南陽郡。系出田氏。齊之疎族。自為疎氏。漢有疎廣。廣之裔。又去足。別為東氏。晉有東督龍。羽音。武陵郡。黃帝孫颺叔安子董父。好畜龍。為豢龍氏。其後以官為氏。頊羽。將有龍且。護音。獲薦音。委

# 葉幸司韶部黎荊薄

葉羽音。南陽郡。系出沈氏。楚沈諸梁封於葉。號葉公。子孫以邑為氏。華宮音。鴈門郡。世系未詳。晉有華靈司宮音。頓邱郡。鄭司臣之後。宋有司趙。明有司韜。龍宮音。太原郡。系出有虞氏。舜之樂官。後以為氏。郇角音。京兆郡。系出姬姓。文王子封於郇。後以國為氏。黎徵音。京兆郡。系出高陽氏。顓頊孫北正黎之後。封黎陽為黎國。子孫以國為氏。又有黎邱氏。薊宮音。內黃郡。系出有熊氏。周封黃帝之後於薊。以國為氏。薄宮音。鴈門郡。系出古薄姑氏。漢有薄昭。

# 印宿白懷蒲郇從鄂

百家姓考畧

庚

印角音。馮翊郡。系出姬姓。鄭穆公子印段之後。為印氏。宿徵音。東平郡。系出風姓。宿國之後。以國為氏。白商音。南陽郡。系出嬴姓。秦文公子白之後。有白乙丙。又楚平王孫勝封白公。後亦有白氏。唐有白居易。懷角音。河內郡。無懷氏之後。又系出姬姓。唐叔虞。初食采於懷。後封晉國。支子別姓懷氏。蒲角音。河東郡。系出有虞氏。夏封舜後於州蒲。後以為氏。晉有蒲洪。別一族。郇商音。平盧郡。堯封后稷於郇。其後居郇。號周支子以舊國為氏。從角音。東莞郡。系出姬姓。周平王封少子精英為從侯。後為從姓。漢有從公。子孫改從氏。鄂商音。武昌郡。系出姬姓。晉侯光居於鄂。號鄂后。子孫以為

氏。又楚子熊紅僭稱鄂主。後為鄂氏。

# 索咸籍賴卓蘭屠蒙

索商音。武威郡。系出于姓。殷之公族也。世居於魯。晉有索靖。咸徵音。汝南郡。系出高陽氏。高辛臣。咸邱黑之後。後姓咸氏。籍商音。廣平郡。系出伯氏。晉大夫。世司典籍。以官為氏。後有籍諱。賴官音。潁川郡。系出姜姓。周有賴國。後以國為氏。漢有賴宣。卓徵音。西河郡。系出辛姓。楚威王子。公子卓後。漢有卓茂。蘭商音。中山郡。晉韓厥支孫。康封於蘭。以邑為氏。趙有蘭相如。屠官音。陳畱郡。系出于子姓。商有鄆國。去邑為氏。晉公族。又有屠岸氏。蒙官音。安定郡。系出東蒙氏。秦有蒙恬。世為上將。鄆音屠。

## 百家姓考畧

三

# 池喬陰樹鬱胥能蒼蒼雙

池徵音。西河郡。系出嬴姓。秦司馬公子池之後。漢有池仲魚。喬角音。梁郡。系出有熊氏。黃帝葬於橋山。支子守陵者為橋氏。漢有橋元。後去木為喬氏。唐有喬知之。陰官音。始興郡。系出陶唐氏。唐有陰國。後以國為氏。漢有陰子方。鬱官音。太原郡。系出鬱林氏。楚伐鬱林。遷其民於郢。為鬱氏。胥羽

音瑯琊郡。系出華胥氏。晉有胥臣。能商音。太原郡。系出熊姓。熊繹子鞅封於夔。支子別姓能氏。能音奈。蒼商音。武陵郡。系出史皇氏。蒼帝之後。為蒼氏。雙宮音。天水郡。顓頊之後。封於雙蒙城。因以命氏。晉有雙漸。

# 聞莘党翟譚貢勞逢

聞宮音。吳興郡。系出聞人氏。改聞氏。莘徵音。天水郡。系出高辛氏。夏啟封。帝摯之後。於有莘。後以國為氏。党商音。馮翊郡。夏后氏之後。支裔世居党項。遂姓党氏。宋有党進。翟徵音。南陽郡。黃帝之後。居於翟。以地

百家姓考畧

天

為氏。漢有翟方進。譚角音。齊郡。系出嬴姓。顓頊之後。周有譚國。後以為氏。貢宮音。廣平郡。系出端木氏。孔子弟子子貢之後。因財避亂。以祖字為氏。漢有貢禹。勞徵音。武陽郡。東海勞山之民。至漢始通中國。賜姓勞氏。逢宮音。譙郡。系出姜姓。炎帝孫逢伯陵。始封於齊地。為逢國。武王滅之。以封太公逢伯之後。以國為氏。漢有逢萌。逢从丰音。龐不音馮。音馮者。从丰為相逢之逢。

# 姬申扶堵冉宰酈雍

姬徵音。南陽郡。系出有熊氏。黃帝之先。姓公孫。生於姬水。故姓姬氏。高辛氏立。以長

子后稷繼黃帝之後。賜姓姬氏。為周始祖。漢有姬嘉。周公之裔。封周子南君。申商音。瑯琊郡。系出姜姓。太岳之後。封於申。以國為氏。周有申不害。漢有申公扶。羽音。京兆郡。系出巫氏。漢有巫嘉。事高祖。善禱祀。所求輒應。帝以嘉能感名神祇。扶翊漢室。賜姓扶氏。堵羽音。河東郡。系出姬姓。鄭大夫堵叔師之後。為堵氏。楚堵敖之後。亦有堵氏。冉宮音。武陵郡。系出姬姓。文王少子邾季載。封於邾。後世去邑為冉氏。孔子弟子邾冉雍。冉耕。冉有。宰徵音。西河郡。系出姬姓。周大夫宰孔之後。以官為氏。孔子弟子宰我。邾徵音。新蔡郡。系出姜姓。古國名。以國為氏。漢有邾食其。魏有邾道元。雍角音。京兆郡。系出姑姓。雍糾仕鄭。封於雍。以邑為氏。齊有雍巫。漢有雍齒。封付加侯。○邾食其音邾異。基姑音吉。

百家姓考畧

无

郤 璩 桑 桂 濮 牛 壽 通

郤商音。濟陰郡。系出姬氏。晉大夫郤缺子之後。本封於郤。遂以為氏。世為晉卿。漢有郤正。郤音隙。與邾字通。璩羽音。豫章郡。世系未詳。唐有璩瑗。宋有璩重。桑商音。黎陽郡。系出嬴姓。秦大夫公孫枝。字子桑。後以字為氏。晉有桑欽。桂羽音。天水郡。系出吳氏。漢城陽吳橫。四子避難。一子居幽州。改

姓桂氏。濮商音。魯郡。不出陸終氏。陸終之後。別居於濮。姓濮氏。牛官音。隴西郡。宋儼子之後。司寇牛文。以字爲氏。晉有牛金。唐有牛僧孺。壽商音。京兆郡。系出姬姓。吳王壽夢之後。漢有壽良。通商音。西河郡。系出姬姓。巴國之裔。邑於通江。因姓通氏。又有轍氏。避漢武諱。改通氏。

邊扈燕冀邾浦尚農

邊徵音。隴西郡。系出于姓。商有邊國。周大夫邊伯。其後也。漢有邊韶。扈羽音。京兆郡。系出有扈氏。夏有扈國。以國爲氏。吳有扈稽。燕羽音。范陽郡。系出姬姓。召公封於燕。

百家姓考畧

三

支子以國爲氏。隋有燕裝翼。角音。渤海郡。晉節芘之子。缺。封於葦。支子以邑爲氏。邾徵音。武陵郡。系出姬姓。文王定鼎於邾。邾支子以地爲氏。浦羽音。京兆郡。晉大夫浦蹶之後。高商音。上黨郡。系出姜姓。周太師尚父之後。或又與向氏相混。秦有尚平。亦曰向平。農官音。推明郡。系出神農氏。○鄺音肉。

溫別莊晏柴瞿閻充

溫商音。平原郡。系出姬姓。周畿內諸侯。以國爲氏。晉有溫嶠。別徵音。京兆郡。世系未詳。古諸侯。卿大夫長子。世爲宗子。宗子之



次子。世爲小宗。小宗之次子。爲別子。不敢  
姓。祖父之姓。而別爲一族之祖。以祖父之  
官爵字謚。別爲姓氏。此別氏之義。但不知  
其所出耳。莊微音。天水郡。系出羊姓。楚莊  
王之裔。以謚爲氏。後有莊周。莊驕。齊有莊  
賈。晏宮音。齊郡。系出陸終氏。陸終子晏安  
之後。高國鮑晏四姓。世爲齊卿。齊有晏嬰。  
柴商音。平陽郡。系出姜姓。齊之公族。孔子  
弟子有柴高。漢有柴武。瞿微音。松陽郡。系  
出子姓。商大夫瞿父之後。漢有瞿茂。闞宮  
音。太原郡。系出姬姓。太伯曾孫仲奕。封於  
闞鄉。以邑爲氏。漢有闞未。充宮音。太原  
郡。系出姜姓。齊公族大夫充  
閻之後。齊有充虞。孟子弟子。

# 慕連茹習宦艾魚容

慕商音。檉煌郡。系出慕容氏。慕容廆公族  
有慕輿。根。別爲慕氏。連微音。上黨郡。系出

姜姓。齊公族大夫連稱之後。茹羽音。河內  
郡。系出如氏。魏有如姬。漢有如淳。其後加

草爲茹氏。南齊有茹法珍。習商音。東陽郡。  
系出西梁氏。西梁州有笮嬰。笮脂官竺鬣

習皆巴蜀之民也。又漢息夫躬之後。改爲  
習氏。晉有習鑿齒。宦商音。東陽郡。世系未

詳。艾商音。天水郡。系出夏后氏。少康臣女  
艾之後。田齊有艾子。封於艾山。亦姓艾氏。

魚羽音。鴈門郡。系出子姓。宋司馬子魚之

後。以王父字為氏。唐有魚朝恩容宮音。燉煌郡。系出大容氏。黃帝臣容。接作鍾。容成。作樂。○策音謫。節音。窮宕音蕩。髻音謀。

向古易慎戈廖庾終

向宮音。河南郡。系出子姓。宋桓公後。食采於向。遂為向氏。世為宋卿。向雝。又稱桓氏。弟向犁。字牛。又別姓司馬氏。孔子弟子。又姜姓之國。以國為氏。向本音尚。訛音作曩。古羽音。新安郡。系出古皇氏之後。魏有古弼。易徵音。太原郡。系出雍氏。齊雙。臣雍。巫字牙。食采於易。故稱易牙。後為易氏。慎徵

百家姓考畧

三

音。天水郡。系出羊姓。白公勝之後。封於慎。為慎氏。曾有慎子。宋孝宗諱慎。慎德秀。改為真氏。戈宮音。臨海郡。系出古寒國。伯明子浞篋。夏。封子豷於戈。後為戈氏。庾角音。汝南郡。系出有熊氏。黃帝孫鸞。叔安之裔。鸞。古廖字。後為廖氏。漢有廖化。庾羽音。濟陽郡。周有司倉庫。庾廩之官。世司其職。遂以倉氏。庫氏。廩氏。庾氏為姓。衛有庾公之斯。晉有庾亮。終徵音。南陽郡。系出陸終氏。陸終支孫。別為終氏。漢有終軍。○浞音觸。儻音戲。

暨居衡步都耿滿弘

暨宮音。渤海郡。越大夫諸暨郢之後。漢有暨艷。居宮音。渤海郡。晉公族大夫先且居之後。以祖字為氏。衡商音。鷹門郡。系出伊氏。伊尹為商阿衡。後以官為氏。出羽音。平陽郡。系出郤氏。晉大夫郤出揚之後。吳有步騭。都宮音。黎陽郡。系出公都氏。齊公族大夫公都子之後。為都氏。鄭公子闕。字子都。後亦為都氏。耿宮音。高陽郡。系出姬姓。周有耿闕。晉趙氏滅耿以為邑。後以國為氏。漢有耿弇。滿宮音。河東郡。荆蠻有瞞氏。改為滿氏。又王孫滿之後。亦姓滿氏。漢有滿寵。丑角音。太原郡。衛公族大夫弘演之後。漢有弘恭。且平聲。闕音惡。

百家姓考畧

三

# 匡國文寇廣祿闕東

匡角音。晉陽郡。系出子姓。宋大夫封於匡。後以邑氏。漢有匡衡。國角音。下邳郡。系出姬姓。鄭公子子國之後。有國僑。即鄭子產。又齊有世卿國姓。又商音。鳩門郡。系出姜姓。許文叔之後。別為文氏。越有文種。魏有文聘。又宋初諱敬。改為文。文彥博。文天祥。其先皆敬氏。寇宮音。上谷郡。系出己姓。昆吾之後。封蘇。蘇公忿生。為周司寇。支子以官為氏。漢有寇恂。廣宮音。丹陽郡。廣成子之後。祿徵音。扶風郡。系出子姓。紂子武庚。字祿父。後以祖字為氏。闕宮音。下邳郡。系

出闕里氏。魯有闕黨邑。封於是者。以邑為氏。東徵音。平原郡。系出東戶氏。虞有東不訾。焉為。之友。

歐父沃利蔚越夔隆

歐商音。平陽郡。系出歐冶氏。歐冶。歐陽。皆復姓。後又改為歐氏。父羽音。武功郡。系出有虞氏。舜臣父斯之後。沃羽音。太原郡。系出子姓。商王沃丁之後。利徵音。河南郡。系出理姓。理利貞之後。以祖字為氏。蔚羽音。瑯琊郡。系出姬姓。鄭公子翮。封邑於蔚。後以邑為氏。越羽音。晉陽郡。系出妣姓。夏后

蒙姓考畧

孟

少康少子季余之後。封國於越。後以國為氏。夔羽音。京兆郡。系出熊氏。楚熊摯之後。封於夔。子孫以國為氏。隆宮音。南陽郡。世系未詳。

師鞏庫聶晁勾敖融

師徵音。太原郡。系出姬姓。周師尹之後。又晉公族大夫師服之後。鞏宮音。山陽郡。系出姬姓。周公族大夫鞏伯之後。庫商音。括蒼郡。系出庫狄氏。宇文周有庫狄部。長。其後單姓。庫氏。聶徵音。河東郡。系出姜姓。齊丁公封支子於聶城。為不附庸。後以國為氏。衛有聶政。鬼角音。京兆郡。系出姬姓。晁

古作暈。即朝暮之朝。周景王子朝之後。為  
晁氏。漢有晁錯。勾宮音。平陽郡。系出勾  
氏。金天之後。勾芒主青陽。行春令。世為勾  
芒氏。後單姓勾氏。又改為句氏。又改為鈎  
氏。鈎氏。苟氏。又增為勾龍氏。累世之後。不  
復別矣。教宮音。譙郡。顓頊師大教之後。又  
系出芊姓。楚國之君。凡被廢弑不成君者  
曰教。如若教堵教之類。其後為教氏。融宮  
音。南康郡。系出祝融  
氏之後。○庫音舍。

# 冷些言辛闞那簡饒空

〔冷〕微音。京兆郡。黃帝臣伶倫氏之後。改為  
百家姓考畧

冷氏。周有冷州鳩。漢有冷苞。〔些〕微音。渤海  
郡。系出些陬氏。帝嚳妃家之後。漢有些順。  
宋有些虎。〔辛〕微音。隴西郡。系出妣姓。夏大  
夫辛甲。周大夫辛有。漢將軍辛武賢。辛慶  
忌。〔闞〕商音。天水郡。系出媯姓。南燕伯之裔。  
封於闞。後以邑為氏。又齊鄉闞止之後。吳  
有闞澤。〔那〕商音。天水郡。系出子姓。權國之  
後。楚滅權。遷其族於那處之邑。後以邑為  
那氏。音那。移之。那。簡宮音。范陽郡。系出狐  
氏。晉大夫。續簡伯狐鞠居之後。以謚為丘。  
漢有簡雍。〔饒〕羽音。平陽郡。系出媯姓。商均  
支子。封於饒。後以國為氏。漢有饒威。〔空〕宮  
音。孔邱郡。系出  
氏。以國為姓。○

# 曾母沙也養鞠須豐

曾微音。曾郡。系出如姓。夏少康沙子成烈。封於鄆。宋滅鄆。子孫去邑為曾氏。孔子弟子有曾參。母羽音。鉅鹿郡。系出田氏。齊宣王封弟於母邱。以紹胡公之祀。賜姓胡母氏。其後分三姓。一曰胡母。一曰母邱。一曰母氏。母音無沙宮音。汝南郡。系出沙隨氏。古諸侯公壽。後失國。為公沙氏。漢有公沙穆。子孫去公為沙氏也。宮音。晉昌郡。系出宇文部。後周賜部。疾費也。頭為也氏。音滅平。養羽音。山陽郡。系出姬姓。鄧大夫養甥之後。楚有養由基。鞠宮音。汝南郡。系出

## 百家姓考畧

三

姬姓。燕公族大夫鞠武之後。須羽音。渤海郡。系出密須氏。燕附庸國。以國為氏。魏有須賈。豐宮音。松陽郡。系出姬姓。文王子封於燕。後去邑為氏。

# 巢關蒯相查後荆紅

巢商音。彭城郡。系出有巢氏。楚滅巢。後以國為氏。關商音。隴西郡。系出龍氏。夏龍逢封於關。後為關氏。蒯商音。襄陽郡。系出姬姓。衛莊公蒯瞶之後。以字為氏。漢有蒯通。又古國名。以國為氏。相商音。西河郡。系出子姓。夏后帝相所都為相里。商河壘甲都於相。宗族留居於相里氏。梁有相里金。相

去声。查商音。齊郡。系出姜姓。齊頃公子食采於櫪。後以邑為氏。櫪古查字。後羽音。東海郡。系出太史氏。齊太史敦之女。為襄王后。后族賜姓後氏。後古后字。通用。齊有後勝。亦曰后勝。荆角音。廣陵郡。系出芊姓。楚國之後。以國為氏。避秦莊襄王諱。改荆氏。荆州楚之分也。燕有荆。紅宮音。平昌郡。系出熊氏。楚子熊渠長子熊摯。紅為鄂王其支子。以父字為氏。

# 游竺權逢蓋益桓公

游宮音。廣平郡。系出姬姓。鄭穆公子游吉。巨家姓考畧

三

之後。又晉桓莊之族。亦為游氏。竺徵音。東海郡。系出天竺。其人入中國。稱竺氏。漢有竺晏。權徵音。天水郡。顓頊之後。封於權。楚武王滅之。子孫以國為氏。又楚若敖之孫闔緡。尹權。其後以邑為氏。唐相權德輿。遂徵音。廣平郡。系出嬴姓。秦公族大夫封於逆。因以為氏。漢有逆石。遂並。逢音。祿。蓋商音。汝南郡。齊蓋邑大夫之後。以邑為氏。音蓋。不音槩。漢有蓋寬饒。益商音。馮翊郡。系出庭堅氏。泉陶子伯益。支子以祖字為氏。桓宮音。譙郡。系出于姓。宋桓公之後。以謚為氏。後有桓臚。漢有桓榮。公羽音。括陽郡。諸公族如公西。公于。公孫。公叔。之類。其後單以公字為氏。今不可考其世系矣。

万俟司馬上官歐陽

万俟商音蘭陵郡。系出拓拔氏後魏獻帝兄之後。賜姓万俟氏。万俟音木其。司馬徵音。河內郡。周崔伯休父為周司馬。以官為氏。秦有司馬印。漢有司馬遷。上官羽音。天水郡。系出芊姓。楚公族大夫上官子蘭之後。漢有上官桀。歐陽官音。渤海郡。系出妣姓。越王無疆孫。封於歐餘山之陽。後為歐陽氏。漢有歐陽生。

夏侯諸葛聞人東方

百家姓考畧

三

夏侯商音。謙郡。系出妣姓。楚滅杞國。其後奔魯。以杞侯為夏后氏之後。故以夏侯為姓。漢有夏侯嬰。東漢曹騰。以甥夏侯氏之子為嗣。其孫是為魏武帝曹操。諸葛徵音。瑯琊郡。系出夏殷時葛國。漢葛豐。始居瑯琊。自稱諸葛氏。以別同姓。後有諸葛瑾。諸葛亮。聞人商音。河南郡。左邱明。古之聞人也。後以為氏。又風俗通夫少正卯魯之聞人。後以聞人為氏。未知孰是。東方羽音。齊南郡。系出太昊氏。其裔羲仲。世掌東方青陽之令。後為東方氏。漢有東方朔。

赫連皇甫尉遲公羊



赫連商音。渤海郡。系出南匈奴。台賢王割  
豹子後。劉勃。勃據統萬。稱夏帝。自製姓為  
赫連氏。曰王者輝赫。與天相連。皇甫音  
京兆郡。宋戴公之子。名充若。字皇父。子孫  
以祖字為氏。又周卿士皇父。封於向。後亦  
稱皇父氏。父與甫通。漢有皇甫嵩。皇甫規  
尉遲徵音。太原郡。魏孝文時。賜尉遲部之  
後為氏。又系出方侯氏。宇文周氏功臣。方  
侯免。賜姓尉遲氏。後有尉遲迥。唐有尉遲  
恭。公羊音。頓丘郡。系出姬姓。魯公孫羊  
孺之後。為公羊氏。子夏。弟子有公羊高。

# 澹臺公冶宗政濮陽

百家姓考畧

三

澹臺商音。太原郡。孔子弟子滅明。居澹臺  
為澹臺氏。澹音談。公冶音魯郡。系出姬  
姓。魯大夫季公冶後。以字為氏。孔子弟子  
公冶長。宗政羽音。彭城郡。系出劉氏。漢劉  
德。楚元王後。為宗正。子孫以官為宗正氏。  
後改作宗政。濮陽商音。博陵郡。系出姬姓。  
鄭公族大夫。居濮水之陽。  
以濮陽為氏。吳有濮陽興。

# 淳于單于大叔申屠

淳于羽音。河內郡。系出姜姓。州国州公寔  
失國。居於淳于。號淳于公。後為淳于氏。齊  
有淳于髡。漢有淳于意。單于羽音。千乘郡。

系出東戎。左賢主去卑單于降漢為單于氏。單音蟾。大叔。宮音。東平郡。系出姬姓。鄭穆公孫。太叔儀。後姓大叔氏。大音泰。申屠徵音。京兆郡。系出姜姓。四岳之後。始封于申。夏時申侯封弟於屠原。別姓申屠氏。商有申屠狄。漢有申屠嘉。

# 公孫仲孫軒轅令狐

〔公孫〕宮音。高陽郡。系出公族。春秋之時。諸侯之子為公子。公子之子為公孫。公孫之諸子。無封邑爵號者。皆以公孫為氏。如周吳越楚及戰國諸王子孫。以王子王孫為氏之例。秦有公孫枝。漢有公孫淵。〔仲孫〕商

百家姓考畧

卑

音。高陽郡。系出姬姓。曾桓公子慶父之後。慶父曰共仲。稱為孟孫氏。又號為仲孫氏。〔軒轅〕商音。郟陽郡。系出有熊氏。黃帝子孫別為軒轅氏。唐有軒轅彌明。令狐。商音。太原郡。系出姬姓。周文王子畢公高之後。畢萬仕晉。其孫魏犇子穎。別封令狐。其孫文子頤。因為令狐氏。漢有令狐邁。唐有令狐楚。

# 鍾離宇文長孫慕容

〔鍾離〕商音。會稽郡。系出伯氏。楚大夫伯宛封於鍾離。後以邑為氏。漢有鍾離意。鍾離權。〔宇文〕商音。趙郡。系出鮮卑氏。東戎鮮卑

單于葛烏菟得玉璽於河國人稱天為字  
謂天賜文璽也其後字文泰子孫號後周  
凡四世長孫商音濟陽郡系出拓拔氏後  
魏大武帝什翼犍長兄沙湜雄子嵩賜姓  
長孫氏唐有長孫無忌長上声慕容羽音  
檄煌郡系出鮮卑氏沙歸單于自稱慕容  
氏謂慕容二儀之德繼三光之容也其子慕容  
容廌自稱燕王凡四燕十二主後漢有慕容  
容延劍

# 司徒司空百家姓終

司徒徵音趙郡契為司徒支子以官為氏  
司空徵音頓邱郡禹為司空乎水土治山

百家姓考畧

里

川支子以官為氏唐有司空畧

